



Uunga

Inatsisartunut ilaasortaq, Anthon Frederiksen, Partii Naleraq

Inatsisartunut ilaasortap, Anthon Frederiksenip, Parti Naleraqqameersup, utoqqalinersiallit utoqqalinersiutit annikillinagit meeqqaminnik ernuttaminnillu najugaqateqarnissaminnut periarfissaat pillugit § 37 naapertorlugu apeqqutaanut akissutit.

14-12-2017
Suliap normua
Akt. id. 6826247

Qujanaq apeqqutinut:

Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
Mail: iniian@nanoq.gl
www.naalakkersuisut.gl

- 1. Utoqqaat meeqqamik ernuttaminnilluunniit najugaqateqartut, utoqqalinersiutit tamakkiisumik pigiinnarumallugit qanoq iliuseqarsinnaappat ?**
- 2. Naalakkersuisut apeqqummi 1-mi pineqartut iluarsiiviginarlugit qanoq iliuseqarniarpat?**

1)-imut

Ilisimatitsissutigineqassaaq utoqqalinersiutinik naatsorsuinnermi utoqqalinersiallip ilaqtaminik isertitaqartumik najugaqateqarnera apeqqutaanngitsaq. Tamanna ilitsersuummi immikkoortoq 3.2.2.-mi atuarneqarsinnaavoq:

"Utoqqalinersialik allamik najugaqateqaruni, assersuutigalugu ilaqtamik, tamanna aappariinnermut assingusuunani, utoqqalinersialik kisermaatut pisinnaatitaaffeqassaaq."

Illassutit pensionisiat naatsorsorneranni aappaqarneq imaluunniit katisimallugu aappaqarneq kisimik sunniuteqartarput. Tunngaviusumik pensionisiatartarnermi nuliaasup, uiusup inooqatigisalluunniit isertitarisartagai apeqqutaatinneqarneq ajorput.

Utoqqalinersiaqarneq pillugu Inatsisartut inatsisaanni nr. 20, 23. november 2015-imeersumi imatut allaqqavoq:

"§ 9. Imm. 2. Toqqammaviusumik aningaasartat ilanngaateqassapput, **utoqqalinersiaqartup** ukiumut isertitai maanna atuuttut, utoqqalinersiat aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat malillugu utoqqalinersiat ilanngunnagit, kr. 221.111 qaangerneqarsimappata.", aamma

"§ 10. Imm. 2. Toqqammaviusumik tapeq ilanngunnagu, aamma Inunnut Isumaginninnikkut isumannaallisaaneq pillugu Nunat Avannarliit isumaqatigiissutaat naapertorlugu siusinaartumik pensionisiallit utoqqalinersiallillu ilanngunnagit,

utoqqalinersianut tapeq ilanngaateqassaaq **utoqqalinersiaqartup aappaqarpallu**
ukiumut isertitai maanna atuuttut katillugit ukunannga qaangiisimappata:

- 1) Utoqqalinersiaqartumut kisimiittumut kr. 56.000.
- 2) Utoqqalinersiaqartumut aappaqartumut kr. 83.000, tak. § 5."

Taamaammat utoqqalinersiuteqartut meeqqaminnik ernuttaminnilluunniit nammineq
isertitaqartunik najugaqateqarunik pensionisiaat annikillineqarneq ajorput.

Apeqquut 2-mut akissut.

Akissut qulaaniittoq takuuk

Med venlig hilsen

Inussiarnersumik inuulluaqqusillunga


Sara Olsvig